

44

Soalan No: 23

**PEMBERITAHU PERTANYAAN DEWAN RAKYAT**

**PERTANYAAN :** LISAN

**DARIPADA :** DR. ONG KIAN MING [SERDANG]

**TARIKH :** 26.10.2017

**SOALAN :**

Dr. Ong Kian Ming [Serdang] minta **MENTERI PENDIDIKAN** menyatakan sama ada benar Kerajaan akan melancarkan kurikulum Bahasa Inggeris berlandaskan Common European Framework of References for Languages (CEFR) bermula tahun 2018 di semua sekolah rendah dan menengah di seluruh negara, berapakah naskhah buku teks Bahasa Inggeris akan diimport, kos yang terlibat dan apakah langkah-langkah yang diambil oleh Kementerian untuk memastikan bekalan buku-buku teks baru tersebut adalah mencukupi dan pada kos yang berpatutan.

**JAWAPAN**

Tuan Yang di-Pertua,

*English Language Reform in Malaysia: The Roadmap 2015-2025* telah menggariskan bahawa pendidikan Bahasa Inggeris perlu dijajarkan kepada standard piawaian antarabangsa untuk memastikan mutu pendidikan Bahasa Inggeris di Malaysia setaraf dengan pendidikan Bahasa Inggeris antarabangsa. Sehubungan dengan itu, Kementerian Pendidikan Malaysia (KPM) akan melancarkan kurikulum Bahasa Inggeris berlandaskan *Common European Framework of References for Languages (CEFR)* bermula tahun 2018 bagi prasekolah, Tahun 1, Tahun 2, Tingkatan 1 dan Tingkatan 2.

KPM telah mula membekalkan buku teks bahasa Inggeris sejarah dengan CEFR bagi kegunaan murid Tahun 1 dan Tingkatan 1 mulai tahun 2017. Sebanyak 465,334 naskhah buku teks murid Tahun 1 dan 420,436 naskhah buku teks murid Tingkatan 1 telah dibekalkan. Pada masa yang sama, sebanyak 447,697 naskhah buku teks murid Tahun 2 dan 420,158 naskhah murid Tingkatan 2 telah disediakan untuk kegunaan tahun 2018. Kesemua buku teks ini dibekalkan berdasarkan enrolmen murid semasa mengikut tahun.

Jumlah kos yang terlibat dalam perolehan buku teks tersebut adalah menggunakan peruntukan yang diluluskan berdasarkan peraturan kewangan yang sedang berkuatkuasa. KPM telah menjalankan kajian pasaran dan rundingan harga berdasarkan pekeliling yang berkuat kuasa bagi memastikan perolehan buku tersebut pada kos yang berpatutan dan harga yang ditawarkan adalah menguntungkan Kerajaan.